

اِسْتِغْنَا

نومبر ۲۲

بِخِشَبَه

۱۲ شباط ۱۳۲۴

محروسته شاهانه دن اخراج و تبعید ایتک منحصرأ ذات حضرت پادشاهینک
ید اقتدارنده اولدینی کوسترلمش اولدیغندن اجنبیلر حقمنده برتفید قرارینک
اتخاذی ایچون ماده مذکوره حکمنه توفیق حرکت ایتک ایجاب ایلدیکی مطالعه سندهیم.
مطالعات مسروده قانونیه دن اکلاشلدینی اوزره مالک عثمانیه ده اقامت ایدن
تبعه اجنبیه دن بری قانوناً موجب جزا اولان برفعی ایشله میهرک فقط دوام
اقامتی اساسیش مملکتی اخلاله بادی اوله بیله جکی اکلاشیلور والحاصل سوء ظن
اصحابندن اولوب حکومتک امنیتنی سلب ایلر ایسه ائک مملکتندن طردینه حکومت
سویه نک حق اولدینی درکاردر .

سلانیک وکلای دعاویسندن

سالم

مسئله شرقیه

۳

روسیه بودفعه ده مواقع مهمه دن اولان آزاق قلعه سی ، کرج و یکی قلعه
شهرلرینی صورت قطعیه ده ضبط ایدره ک بحرسیه ساحله برلشمش ایدی .
قریم شبه جزیره سی ده اول امرده ید تملکنه کچیرمه دن دولت عثمانیه دن آییره رق
مستقل حکومت حاله ادخال خصوصنه غیرت ایلدی قریم مستقل برخانلق حاله
انجق روسیه نک یدضبطنه قولایچه کیرمک ایچون قونمشدی خانلرک هرخصوصه
عدم اقتدارلری وینلرنده کی منافرت وخصومت سببیه قولای قولای حکومتلر-
ینک استقلاللرینی محافظه ایدهمیه چکلی آشکار ایدی . قاینارجی معاهده نامه سببیه
مظفر روسیه بحرسیا هده سیرسغان حقنه مالک اولمغله برابر سغان تجاریه سینک
استانبول وچناق قلعه بوغازلرندن مرورلری حق ضمنیسی ده اکتساب ایتدی .
اشته بوتاریخندن اعتبارأ الحاله هذه مسائل متازع فیهادن بریسی تشکیل ایدن
بوغازلر مسئله مهمه سی متحد ایتمش ایدی . افلاق و بغداد ایالات ممتازه سنه
کلنجه ، قاینارجی معاهده نامه سی احکمنه نظرأ روسیه دولت عثمانیه نک ایکی مهم
ایالتی تشکیل ایدن بوقطعه لر دولت متبوعه لری ایله وقوعه بوله حق مناسبات
مقابله یی نظر تفتیشندن کچیرمک وهرخصوصه امورداخلیه لرینه مداخله ایدم بیلیمک

کمی غایت واسع حقوقه مالک اولیوریدی و الحاصل روسلر بومعاهده نامه ایله شرق اقوام خرسینیانه سنک حمایتی درعهده ایلوردی . وهله اولاده معاهده نامه نك متفته نظراً روسلرک انحق امور مذهبییه ، مسائل کنسایشیه خرسینیانلرک حامیسی کمی تلقی ایدیلرک چکری اکلایشیلور ایدیهده آنلر بونی توسیعاً تفسیر ایدیهلرک همان هروسیلر ایله حتی برسبب ظاهری یوغیکن ایجاد وتصنیع ایله دولت عثمانیه نك امور داخلیه سنه مداخله یه کندنده برحق کوریسوردی اشته بومعاهده نامه نك بوکمی احکامیدرک دولت عثمانیه بی دأماً روس مهاجراته معروض قیله حق اسباب ومنافی احضار ایلمشدر . قاینارجی معاهده نامه سی روسیه ایچون بدوره جدیده کشاد ایلدی اشته بومعاهده نامه احکامیدرک ۱۷۷۴ دن ۱۷۸۹ سنه سنه قدر اوزبش سنه نك برمدت ظرفنده ایکنچی قاترینه نك ممالک عثمانیه نك بعض اقسامی برصورت مصالحانده اله کچیرمک خصوصنده فوق العاده قائده بخش اولدی . اوروپا اوتاریخچه ، قاترینه بی عادتا مسحور ایلمش ایدی . قاترینه نك حضورنده اوروپادن بحث ایدیلرک لطیف کوزلرینک شعاعات لطیفه سی درحال جانلانیر ، بارلار اولدیغنی بارون و دبروتوی de Breteuil نقل و حکایه ایلور ایدی . اوروپاده فتوحات عظیمه یه نائلیت خولیاسی سرمستلکنه خولیای دیکرده انضمام ایدیسور ایدی . قاترین یالکز و قتیله شرق ایمپراطورلغه مرکز اولان « بیزانس » ک جاذبه فسونکاریسنه مجلوب اولیوب یونانستان قدیمک ، اسپارطه نك ، آتنه نك اقول ایدن شمعنه شهرتی انحق کندیس یارلاتق بویه برامله یالکز کندیس واصل اولق استر ایدی . بناء علیه شکاری بر دنیبره اورکوتهلرک پارچه لامقدن ایسه بالتدریج مقصد وصولی دهها موافق منفعت کوریسور ایدی . زوجنک قتل ایدلمس یله بتون روسیه نك حاکمه مطلقه سی اولیورین بوکوچک آلمان پرنسی غایه آمالی اوقشایه حق هر فرصدن استفاده ایتمک اصولی برصورت مهارتکارانده تطبیق ایدیسور ایدی . عثمانیلرک میرانه یالکز قونه میه جغنی پک کوزل تقدیر ایلدیکندن اول امرده کندینه متفقلر احضارینه چالشدی . لهستان حقنده شریک مفسدتی اولان پروسیه ایله

بوخصوصه خیلی سینه اول بر درجه تأسیس منبای اتفاق ایلمکه موفق اولمش
 ایدی . اوستریا به کلنجه ، منافعی مقتضیاتدن اولمق اوزره محافظه کار کی کورنک
 استر ایدیهده مجاور اولمق حیثیتله هر حالده توسیع ممالک حریص ایدی واقعا
 ارتق دائما قوموشولغندن بزار قالدینی دولت عثمانیهدن قورقه جق بریشی قالمش
 ایهده ده امین اوله بیلک ایچون عثمانلیرک کوچلمسنی ارزو ایدر ایدی . دائما
 متردد و شبهه لی کورینه رک هم قاجار هم ایصریر ایدی . قاینارجی معاهده نامه نک
 عقدینی متعاقب بردسیه سیاسیه ایله مملکتین دز بوقونین قطعه سی آیره رق
 ضمیمه ممالک ایلمکه موفق اولدی . ماری تهره رک اوغلی ایکنجی ژوزف
 « بیوک اراضی یوتوجی » لقبه یاد ایدیلن بو حکمدار مفسدت پیشه کوندن
 کونه قاترین طرفه منجذب اولور ایدی . حال بوکه اوستریا « ورسای Versailles »
 معاهده نامه شندن بری فرانسه نک متفق اولدینی جهته سربستی حرکاته تمامیه
 مالک دکل ایدی دولت عثمانیه حقنده بسلاکری افکار مضمره بی موقع قمله
 ایضالی ایچون ورسای متفق قاله آلمق استعزلر ایدیهده نتیجه دن چکنده کلرندن
 بردرلو فرانسه نک رأینی آلمق سزین تشبثاده بولنه مازلردی . فرانسه ده ایه
 دولت عثمانیه نک تمامی ملکیتی و محافظه موجودیتی بولنیقه سی تعقیب ایدیلوردی .
 بو ، اون بشنجی لوینک مظفریات سیاسیه سندن معدود ایدی . اون بشنجی لوینک
 وفاتندن سوکره حکومت قوت و اهمیتی کوندن کونه زیایدن افکار عمومیه بی
 نظر دقتدن دور ایده مامک مجبوریتنه قالدی . خصوصیه او عصرده آلمبر
 d'Alembert ، دیدرو Diderot کی فیلسوف و محررین متمازه پک زیاده
 مرعی الحاطر ایدی . شایان دقتدرکه قاترین بو بوکی ذواتی کنده جذب اتمک
 خصوصنده صرف مهارت ایلیرک فرانسه افکار عمومیه سی کنده لهنه اماله به
 موفق ایچون بر آن غیرتدن خالی قالمیوردی قاترین فرانسه اکابر محررینی نزدیکه
 دعوت ایلیرک انعام و احسانه غرق ایلردی . ایشه بوتایخده دکه فرانسه ده
 خصوصیه یارنده ایلک دفعه اولمق اوزره برروس موداسی تحکم اتمکه باشلادی .
 ارتق بعض دکاتلر « روسیه دولتی » « شمال قهوه خانه سی » ودها بوکا مثال

روس عنوانرله تزیین نام و تزئید شهرت ایلدیلر. فرانسه و روسیه حکومتلرینک مناسبات متقابله سی بالندریج کسب سکونت ایدهرک استلاف اساسلری احضار ایدلمک باشلاندی. اون آلتنجی لونی حکومتی، اول امرده شرقده کی منافع تجاریه سنه خلل کتیرلمکسزین مشکلات متجددنه ک صورت مناسبه ده تسویه پذیر اولمسنه غیرت و بو صورته اخلافک تشددینه میدان ویرمامکه همت ایللمکده ایدی. معافیله قاینارجی معاهده نامه سنک قریم قطعه دل اراسنه متعلق مرادینک صورت تطبیقندن طولانی مشکلات و اختلافات باش کوستردی قریم شبه جزیره سی هر نه قدر دولت متبوعه سی اولان سلطنت عثمانیه دن تفریق ایدلمش ایه ده اهالی سنک اسلام بولمسندن طولانی و خانلره توجیه رتب و پروات ایللمک کی سلاطین عثمانیه نک حقوق حکمرانلری باقی قالمش ایدی. بناء علیه پترسبورغ و در سعادت حکومتلری اره سنده ۱۷۷۶ سنه میلادیه سنده شدتلی اخلافات باشلادی. اشته بواننده فرانسه نقطه نظری تبدیل لزومی حس ایتدی

دولت عثمانیه نک تقسیم مسئله سی موضوع بحث اولیورنجه فرانسه بر امرواق قارشوسنده بولنوب تصدیق جلیق ایتمکدن ایسه اوده استفادۀ مادیه جهتی التزام ایللمکی موافق منفعت کوردی. کندیسنه ممالک شرقیه دن اک فائده آور بر قطعه آرادی. آنیده مصر قطعه مشهوره سنده بولدی. بو قطعه بی نظیره مالک اولونجه اراق شرقده انکلتره ولتیقه سی زیروزیر ایللمک ایشدن معدود اوله مازدی. اراق بو ایشده فرانسه قرارینی ویرمشدی. حتی Gastines موسیو فاستنک قاینه سی بو خصوصده لازم کلن پروژه لری احضار ایدهرک بر طاقم فرانسز ضابطانی بحر احمر ساحله اعزام بیله ایدلمش ایدی. معافیله هر نه قدر مصر کی بر قطعه مهمه نک فرانسه یدینه کجیسی فائده دن خالی دکل ایدی ایسه ده دوراندیش زمامداران حکومتجه استاقوقونک محافظه سی ده مناسب کوریلهرک قاینارجی معاهده نامه سی مفسر ۱۷۷۸ سنه سنده دیگر بر مقاوله نامه عقد ایلدی. ایشو مقاوله نامه موجینجه روس سفاسنک بوغازلردن سربستی مروری و دولت عثمانیه نک قریم قطعه سنک هر درلو امورینه مداخله دن کف ید

ایلمسی ایجاب ایدیلور ایدی . بو ائتلرده آوستریا فرانسه ایله آچیقدن آچیه
بوزشمیه رق ۱۷۸۱ سنه سننده روسیه ایله قطعاً عقد اتفاق ایدیه رك دولت
عثمانیه دار بلان و پروژهلری قاترین و ایکنجهی ژوزهف تدقیقه قویولش
ایدیلر .

سعاد مختار

چو جوغك سربستییی

بوندن یاریم عصر اول یازیلان بر فرمان «ممالك مورونه مدن اولان...» دیه
باشلا یور . کچن کون ایسه بر مبعومنز دعاسنه مرحمت بادشاهینك ازدیادی نیازیه
ختم وردی . شو ایکی فقره اسکی سیاستك هنوز خاطره دن سیلنه میان ایکی
یوزنی کوترر . بر زمانلر هرشی حکمدارك مالی عد ایدیلر ، خلق اونك احسان
ولطفیه پرورده بر سوری «قول» صاییلردی . فکر حقوق مفقود ، دائم
وظائفدن بحث اولنور ، حقوق شخصیه دن آنجق بر امتیاز شککنده استفاده قابل
اولوردی . او زمانلر عالمده دخی بابانك حاکمیت مطلقه سی کورولور . بابا واونك
حمایه سنده اولان آنا کندیلرینی چو جوغلرک مالکی عد ایدیه رك اولنره قارشى
هردرلو معامله ده سربست بولنورلردی . بومعاملاتك شدت و ملایمتی آنجق شفقت
ومروت ایله اولچیلور بر شی ایدی . مکتبده ایسه ابون ایله معلم «اتی سنك
کیمی بنم» مقاله سیله چو جوغی تقسیم ایدرلردی .

اسکی حیاتك اك باشلی صفت کاشفه سی فردك شخصیتی بوتون تظاهراتنده
انکار ایتك و اکثریتی جمعیتك نفوذینی تمثیل ایدن اقلیتك امتیازاتی آلتنده زبون
براقصدی . ذاتاً حیاتك اوفاق نقطه سنه قدر تماماً تعیین ایدلش مراسمدن
عبارت تصور اولنور ، بابا کدن کوردیکندن شاشمه دستورینه اتباع ایتیانلر
بدعت و ایجادلرینك آلتنه کومولوردی . اینانق و اوبق فکر و افعالی صیقی صیقی به
باغلامشدی . شدت و عقوبت ایسه روابط و مناسباتی تأمین ایدمك اكالویریشلی
واسطه ایدی .